

中國藏學漢文歷史文獻集成

張其成 主編

中國西藏及
甘青川滇藏區
方志彙編

第一卷藏學

新子船


PDG

中國藏學漢文歷史文獻集成

張羽新 主編

中國西藏及
甘青川滇藏區
方志彙編

第七冊



圖書在版編目(CIP)數據

中國西藏及甘青川滇藏區方志彙編/張羽新主編.
北京:學苑出版社,2003.9
(中國藏學漢文歷史文獻集成)
ISBN 7-5077-1862-X

I. 中… II. 張… III. 藏族-民族聚居區-地方志-彙編-中國 IV. K29

中國版本圖書館 CIP 數據核字(2002)第 078995 號

ISBN 7-5077-1862-X



9 787507 718621 >

書名:中國西藏及甘青川滇藏區方志彙編(全 54 冊)
作者:張羽新 主編
總策劃:孟 白
責任編輯:洪文雄
出版發行:學苑出版社 E-mail:xueyuan@public.bta.net.cn
印刷裝訂:北京大興韓營古籍印刷廠
開本:850×1168 16 開本
字數:9900 萬字
版次:2003 年 9 月北京第 1 版
印次:2003 年 9 月北京第 1 次印刷
印數:1—120 套
定價:25800.00 元

第七册目录

昌都縣志	
波密縣志	
冬九縣志	103
上下波密補志	
太昭縣志	243
嘉黎縣志	11
貢縣志	277
武城縣志	299
察隅縣圖志	323

昌都縣志目錄

沿 方 治 鄉 糧 山 道 關 氣 地 花 森 鳥 藥 礦 墾 教
革 位 所 鎮 賦 川 路 隘 候 質 果 林 獸 材 產 殖 育

寺 院
商 情
風 俗
遺 跡

昌都縣志補編目錄

概 況
文 獻 補 遺
臺 站 交 通
藝 文

沿革

昌都一名察木多即古之喀木國也當隋唐之交被藏王松贊岡布滅之劃歸吐伯特元世祖獲發思巴王藏以此地改為僧制建江巴林寺在明之世已封為大善法王康熙五十八年平定西藏敕封帕克巴拉為正呼圖克圖坐鎮江巴林寺副呼圖克圖名甲喇克駐紮八宿三副呼圖克圖駐紮邊壩地方廣袤東北與德格界東界乍了南與野番連界西至丹達山與拉里界西北與類伍齊界管理大小寺院五十座喇嘛四千五百名百姓七千六百餘戶六年一貢番馬二匹黃羊二支酪酥二百四十觔豹皮二張火狐皮二張嗣後經四川頭人督鄂輝折價共銀一百八十六兩交打箭爐直廳轉呈藩庫其地方設倉諸巴五人分治管理百姓設大頭目五人一人管理柴草一人管理糴糶一人管理酥油一人管理烏拉一人管理雜務名曰札倉公所其寺設鐵棒一人管理法律翁尊一人管理經典匡仔一人管理財務乾隆十三年於此設遊擊一員千把外委各一員率兵鎮守以為控制復設糧務一員轉輸糧餉名曰糧臺至宣統元年邊務大臣趙爾豐進藏經此見地方危要奏請劃歸邊務管轄遂設理事官宣統三年西康建省即將呼圖克圖所轄之地改為昌都府恩達寨改為恩達縣至民國元年廢府為縣以至於今

附黃帝源流考此書為宜賓黃□青先生所選一名西藏民族是黃帝子孫之後裔說黃壯年遊藏於民國二年任西康宣慰使前後十年考查黃帝故都一在岡底斯山一在昌都黃帝沿崑崙入

主中夏所經地理山川故宮痕跡俱有考證誠為文獻中之勝舉茲將原注之引文擇要纂集一別康藏民族之由來共同參考其文略曰昔遊藏衛朔崑崙崙南越岡底斯山西登帕米爾高原俯仰天地之形勢詳山四陲如輔車之相依浩然之氣如虹似玉實為黃帝子孫發祥之地欲知黃帝故都為王母之國必須先別崑崙何以為墟為丘兼稱玉山苟非熟讀經史焉能澈悟古帝之都蓋山經為禹書成於堯舜之世為古代地志之青史後之不彰置為邊隅慨可惜也岡底斯山為崑崙之墟方八百里左有瑤池右有玉山石城金屋為黃帝初始之「都厥後東渡崑崙之丘比至昌都突地幅員四山環拱形勢雄偉遂建新都左右畿輔曰昂楚河曰雜楚河二水相匯即禹貢三黑水入於南海之瀾滄江也附壩不續故放昌意於若水嗣後入主中原昌意係黃帝次子婚蜀山氏之女昌僕生顓頊而娶於越長有聖德時為少吳金氏壽八十四歲崩廷臣奉迎即位為高陽氏遂選宗室子孫之賢者留守故國時以帝譽之世紀云顓頊有德十五而佐顓頊嗣後高陽氏諗知其賢不傳其子而傳帝譽名高辛氏蓋帝譽為玄囂之子玄囂即昌意之兄顓頊帝譽皆黃帝之孫也自高辛氏繼統使其庶子禹號仍留故國四傳至番禺適洪水為災東西隔絕因地險遠盡視為流放之所舜竄三苗於三危□係為禹號番禺氏故今藏人稱番即由斯也以後子孫繁殖播布全藏為極盛之民族而劉昫作唐書謬以禿髮之轉音為土番不知歷代之華胄竟誤為北狄西竄之野番奇矣爾雅云西方為王母之國三代之際以天子為

王舉王以眩全國當高辛陶唐虞舜之世猶歲巡母國築行宮於故都之野山經云崑崙之墟有帝嚳臺帝堯臺帝舜臺禹曾一遊荀子云禹學於王母始成東歸佐堯治水八年復導黑弱二水西涉流沙至崑崙之墟重遊故都遍覽三帝之臺旋經三危迨大功告成回朝上書籍治水之績著以山經詳述地理山川各地民族物產以告萬世至周穆王崛起西巡至王母昇崑崙之虛遍觀黃帝之宮使扈蹕之臣書其形跡撰為穆天子傳古色斑斕與山經互相表裏以證王母之事實而司馬遷引孔子刪經不書三代初始之跡假作五帝本紀首黃帝統治萬國以崑崙之墟傳為大宛或曰烏睹疑崑崙為山經之志謬致於黃帝顓頊帝嚳三帝初始溯源史無紀載腐儒狹目遺誤民族來源不彰以致番禹子孫東西隔絕文化不通迨至李唐文成下聘始造文字易神明之華胄別成一族嗟乎躡崑崙之河四望茫茫胥軒轅之舊封遍周王之遺轍四千年前華夏一家漢藏不分畛域至組成五族共和□一國焉

按此書記載與余在藏前後所經路道山川古跡痕跡多有符合之處藉此不揣譫陋附加數條以復事實共同參考

一 岡底斯山即古之阿耨達山居天地之中央星辰四拱日月環繞為黃帝故都倚崑崙之阿懷抱跋步三川雲峰三千宿海八百係為萬國山水發源之母故曰萬都

一 岡底斯山為崑崙之墟方八百里左右有瑤池右有玉山查玉山在騰格里海以東南距拉薩五百里形勢峨媚產玉故名玉山釋氏西域記阿耨山上有瑤池地里志岡底斯山上有湖沼數十處惟馬

品穆達賴池及唐格拉攸木湖二水清澈明媚形同日月當為王母之瑤池

一 博物志王母之國石城金屋有金積之山均附於崑崙之墟其金積之山係指距拉薩以西六百里之沙魯朗泥草湖二處產金為西藏最古之礦以平地高拔於海由一萬四千尺至一萬八千餘尺為世界極高之礦山石城金屋係藏人建築之形勢凡達賴宮殿及各處寺院皆以石壘高數丈金瓦寶頂輝煌奪目猶不失王母之遺風由此觀之黃帝萬都當在岡底斯山之阿

一 黃帝東遊重建新宮於昌都水經注崑崙之阿四水出焉東北為黃水丹水東為赤水南為陬水其四水者黃水丹水東北為黃河之源亦水即通天河東南流為金沙江之源陬水分二支一支出隆慶南流至昌都名雜楮河一支出唐古拉嶺經類伍齊東南流名鄂穆楚河至昌都合雜楮河即為瀾滄江矣崑崙之丘有黃帝故宮係在昌都因據崑崙之陽二水環繞畿輔左右華封萬里一神都也

一 書經禹貢三導黑水於梁州徼外經三危入於南海則謂瀾滄江也禹貢重遊故都遍覽三帝之臺事與導黑水年月相合似此黃帝故宮在昌都為不移之事實或謂怒江為黑水非據蒙古源流考以哈拉烏蘇為怒江喀喇烏蘇為瀾滄江蓋謂哈拉為青色喀喇為黑色禹貢所導者黑水此瀾滄江與怒江之別也

一 黃帝在未入中原以前放昌意於若水者因四夷不震以諸侯領之嗣後沿黃河東巡入主華夏史鑒黃帝主於天水竹書紀

年生於壽邱建都於新鄭時與西南各國未通洪荒萬里焉能放
昌意於若水籍古溯源黃帝實出崑崙之墟昌都為其新都所謂
崑崙之丘有黃帝故宮在此明矣

一 若水即雅礱江也踞沙魯里山與大雪山脈之間發源於巴
顏喀喇山東南流至會理縣合於金沙江尚為西康豐富之流域
故黃帝先以治之以為支輔

一 昌意卜宅於若水婚蜀山氏之女昌僕為後生顓頊於若水
之野即西昌縣而娶於越即越巂縣今以榮經縣為顓頊故里非
也蓋榮經以西中隔金川江非為若水之野

一 三苗者人名為戎之始祖史記本記舜歸而言於帝請流共
工於幽陵以變北狄放驩兜於崇山以變南蠻竄三苗於三危以
變西戎極綏於羽山以變東夷太史公多見先秦古書俱有可考
自漢以來儒者失之四族者若皆窮奸極惡必見誅於堯之世不
待舜而後誅明矣屈原有云綏性直以剛而好犯者使四族者誠
皆小人安能用之以變四夷之族哉由此觀之四族實未誅死亦
未廢棄但遷之遠方為要荒之君耳如左氏所言皆後世流傳之
過若堯之世有大奸在朝而不能去則堯不足為堯矣故竄三苗
於三危實一方之君也

一 三危者地名康熙五十八年達賴喇嘛上西藏詳圖選入地
理全書名曰大清一統志諭曰三危者為一山名而不知所在禹
貢之導黑水於梁州徼外經三危入於南海悉為藏地脈今始考
其實三危者猶中國之三省也打箭爐之西南拉里城之東南為

喀木之地達賴所屬為衛地班禪額爾德尼所屬為藏地合之三
地為三危猶非謬也

一 史鑒周穆王十二年伐犬戎十三年祭公從王西征至陽紆
河伯馮夷之所西戎來朝穆傳西涉流沙昇崑崙之墟遍遊黃帝
故宮暨見王母亦狀如人惟豹尾虎齒山經云當虞夏之世群後
稱群神尚在神權時代故王母稱神始神之中而實人也豹尾虎
齒為古時一種儀式此所謂假面俱者是也蒼頡造字鬼從白蓋
白象鬼頭係戴假面俱以為今康藏風俗歲有鬼節喇嘛誦經跳
舞名曰跳神奇形怪狀之面俱百樣無重亦名傀儡戲古風相傳
至今猶未泯也

一 博物志三危為國名山經云西方有沃民之國同為王母之
邦郭璞注西方有木禾為穀類陳衡曰為野麥即今之大麥亦名
燕麥西方食其大麥者惟有康藏因地高原大麥耐寒在地百日
成熟名曰青稞磨粉名糌粑尚為西藏人民大宗食料

一 十洲記崑崙在西海之戎地北海之玄地去峰十三萬里東
南接積石圃北接北戶之室東北臨大閭之林西南近承淵之谷
此四角大山實崑崙之支輔積石南頭為西王母告穆王處此去
咸陽四十六萬里山高平地三萬六千里按積石圃即積石山有
二一曰大積石藏名阿木尼瑪勒占木遜山現屬青海同德縣南
與巴顏喀喇山相峙中隔黃河一名小積石在甘肅導河縣即古
之唐述山也如此二山一為王母告穆王處穆王即至此而回若
登崑崙昇見王母以數十里之程猶非一二年能可周歷此東方

朔之文義可取而於事實無一據也

一 王母國係黃帝母國故稱王母之國後人引東方朔之文黃帝故宮為王母之宮如王母為女子隱正史為小說遺誤後世不亦奇也

一 黃帝溯崑崙東下由昌都北越巴顏喀喇山經河源沿黃河入主中夏因黃河水黃色故名黃帝

一 國中歷傳人由西方來係黃帝子孫之家傳人死後稱為歸西係不忘其故國也

一 崑崙山藏名喀喇潤魯穆發源於岡底斯山之察察嶺東伸至唐古拉嶺名西崑崙由唐古拉嶺東行為巴顏喀喇山至噶拉嶺名中崑崙由噶拉嶺東北經四川界為岷山轉入陝西為秦嶺名東崑崙由秦嶺東行名華山入河南境為大別山脈為中國南北一大分水嶺以華里計崑崙山脈東西長約一萬五千餘里文獻通考崑崙在烏兔之西去神京拾萬八千里水經注崑崙云嵩高五萬里高一萬一千里十洲記崑崙去咸陽四十六萬里山高三萬六千里現據新地輿全球一周共七萬二千里較諸古史之遺轍猶非先賢之所虞也事實所在更非掣輟挑剔溯隱覓跡以明黃帝之偉跡民族之由來崑崙之形勢以附是書之事實尚不以為謬者歟

一 綜以上所考黃帝起於岡底斯山建新宮於昌都厥後沿黃河入主中夏遺留子孫於故國蕃衍繁盛以至西歐故小亞細亞東西悉為黃種民族皆黃帝之後裔也

秦為察木多乍了類伍齊三部蠻民請願歸誠向化改土歸流情形

恭摺俱陳仰祈聖鑒事竊臣於宣統元年奉旨移駐昌都布置川軍進藏事妥慎籌畫現全軍已抵拉薩已革逆僧四郎旺結逃亡後兩藏清平無事喇嘛亦照常念經邊軍行將調回分佈鎮撫以資清理內部查察木多帕克巴拉呼圖克圖於正月間來臣行營懇請願將所轄之全境百姓土地納還朝廷並請仍以呼圖克圖專理教務惟是時藏事未捷故未敢輕許今見兩藏無事隨又聯同乍了及類伍齊兩呼圖克圖代領各部頭人來此陳悉情願守朝廷法規經臣詳查事出誠懇非迫於畏威之舉當應准其所請以順民意況察木多乍了已劃歸邊務勢必一律改土歸流設官分治化夷為夏此其時也而存其教移其俗亦不顯痕跡如能碩畫經營成為西南之重鎮實可外扶藏衛內屏川滇關係甚大故臣一再詳審地方情形擬照巴里兩塘原案辦理若以察木多乍了類伍齊三部地方幅員之遼闊應設七八縣今先以人煙稠密較為繁華之處設治俟後由臣查明何處應當設治再為隨時添設擬將察木多設知府一員名曰昌都府乍了設知縣一員名曰察雅縣恩達塘設知縣一員名曰恩達縣其類伍齊因與西藏未定界以前暫歸該縣管理將來桑昂雜瑜改設縣治同歸昌都府管轄以資聯絡所設府縣佐司人員養廉薪遵照德格設官成案定章不再另擬惟邊荒甫定畫疆分界布化宣猷查糧定賦事宜紛繁應請先由邊務大臣刊給木質關防以昭信守臣為整頓邊務鞏固起見擬設各缺均係擇其重要之地先行建設以副朝廷實事求是之至意所有察木多乍了類伍齊三呼圖克圖地方情

願改土歸流各緣由除分咨外是否有當理合恭摺俱陳伏乞皇上聖鑒訓示謹奏奉朱批交部議奏

札陸軍隨員將川督告示過察木多後再行張貼文

為札飭事照得據駐爐轉運局徐守稟稱該員等攜有四川總督部堂示諭四十張出關沿途張貼該守已囑其暫勿宣布俟到絨壩擦聽候本大臣示諭辦理並將原文鈔呈等情前來查告示雖係宣諭派兵之意然皆係對於藏人之言於章谷至察木多一帶土司百姓無涉自應過察木多西界後再行張貼合亟扎飭為此札仰該員等遵照所攜督部堂示諭即分五張封□本大臣行轅其餘三十五張過察木多後凡經藏界即行張貼如非藏境即可毋庸空示切切此札

右札陸軍隨員楊凱 劉家培准此

宣統元年八月十五日

宣統元年十月二十九日札新來子仲等大兵到後趕

即退去並將謝迪巴捆傳來轅文

為札諭事照得爾藏中新派來僧俗古噪子仲等前次來稟頗為恭順且極明白事理本大臣深為喜悅是以許緩十日進兵初以為藏中奉札之後亦必如該僧俗等之明白歡迎川軍進藏乃今日接藏中來稟仍請川軍不必前進等語本大臣開誠布公之言乃不見信而尤敢作隱約其辭為要挾之計此真糊塗已極本大臣雖以誠心相待然亦無如其不信何也至於此次進藏之兵皆係四川總督部堂所派且係奉旨入藏本大臣祇能照料護送何

能止其前進耶川兵現擬日內開拔因念爾僧俗皆係藏中所派此次藏中亦必有札與爾等今阻川兵進路爾等何敢不遵本大臣本大臣亦不怪汝祇要該僧俗見大兵到後趕即退去即足見無背叛之意本大臣即飭各營不開一槍不傷一人以明我兵無害藏之心若兵到爾等仍然不退欲行阻擋辜負本大臣一番仁愛之心則彼時之生死禍福惟爾等自取非本大臣之所知也再本大臣昨日到察木多始知爾藏兵有燒糧草劫將弁之事然已查明此皆謝迪巴所為不關爾新來僧俗等之事本大臣前因許爾緩兵之請僧飭各營不准輕出察臺一步今該謝迪巴竟敢入我察界焚我積聚傷我將弁殊屬可惡之至爾等若能將該迪巴捆送來轅愈足見爾等恭順之心也茲將曉諭藏中四札交由該僧俗飛速轉寄並將札稿抄發爾等閱看外合即札飭為此札仰該僧俗等知悉務即遵照毋違切切此札

右札藏中新派來僧俗古噪子仲等准此

宣統元年十月二十九日

札拉里糧員速報買有軍糧若干文

為札飭詳報事照得川兵進藏前准聯大臣咨開已札飭該糧員在拉里採購軍糧等由現在川兵到察不日即擬前進究竟該糧員購有何項軍糧若干均已磨成糲粃面粉否各糧均存何處將來有無烏拉轉運速即稟報來案以憑核奪合行札飭為此札仰該糧員遵照從速詳覆切切特札

右札拉里糧員孫令准此

宣統元年十月三十日

察木多理事官准捕榮縣知縣為申賁清冊事竊查察木多地方改土歸流委員前奉憲札應於五路地方各設保正一名每名月給薪水銀陸兩又每百家以上為大村八十家為小村各令百姓公舉一人充當村長每管一家年終由地方官給予藏圓一咀以資津貼等因奉此委員遵照章程傳諭百姓秉公選舉所有保正村長已由百姓舉齊委員逐一詳查均尚可靠若有漁肉百姓者委員自當認真稟請懲辦決不敢稍涉迴護致取愆尤至於糧稅烏拉已飭各保正村長遵章催傳不許宕延所有各保正村長花名年歲理合造具清冊申賁憲轅以備查核再保正薪水應自何日起支是否從公費項下撥給村長口食本年年底可否發給全分均候示遵除申報收支局外為此俱文呈乞照申施行須至文者

趙邊務大臣恭摺收到聯大臣咨送內廷發交福字各物由

奏為恭摺叩謝恩賞事竊臣於宣統二年二月二十九日由駐藏大臣聯豫驛寄去年頒賞福字荷包銀鏤二錠鑄字銀錢二枚蓮子藕粉乳餅挂面百合粉荔枝南棗到察木多行營即恭設香案望闕叩頭祇維領訖伏念臣邊徼遄征冰霜躬歷青稞作面又辭餅之香白連營遠遜蓮花之幕懲運籌之粉飾矢效肫誠履枳棘如坦途不虞鈎挂幸荷璇宮之福庇包荒宜濟於遐荒緬劍荔之誠歸異教咸通夫警教方愧藕絲力弱虛費泉力適蒙芝綵恩隆特頒筐篚星云煥彩瞻宸藻之當陽福祿鐫識天顏之有素同甘將士願分御賜而投膠戴德邊廷益動蠻情之乳皇一心式金式玉臣百拜合

力合群年年統南朔東西罔弗顧為黎首人人竭後先疏附敢不報以赤心所有微臣感激下忱恭摺叩謝天恩伏乞皇上聖鑒謹奏

趙大臣示諭察木多頭人百姓等遵章納糧等事一案由

為出示曉諭事照得察木多地方從前收糧派差等事毫無章程以致百姓苦累無告茲本大臣親臨斯土查訪民情另定章程三十二條札飭劉糧員轉飭該倉儲巴遵照辦理除札飭外合即將章程出示曉諭為此示仰該僧俗頭人百姓等一體知悉自示之後爾等遵章辦理倘敢抗違滋事定予提案治罪各宜懷之毋違特示計開章程三十二條

右諭通知實貼察木多曉諭宣統二年六月廿九日

札察木多糧員轉飭倉儲巴遵照章程收糧辦事一案由

為札發章程事照得察木多地方從前一切收糧等事毫無章程民間殊受苦累茲由本大臣查訪輿情酌訂章程令其永遠遵辦除出示曉諭周知外合即札發章程飭令轉發為此札仰該糧員遵照即便將章程轉行倉儲巴及頭人等自本年即遵章辦理如有僧俗人等抗違不遵准倉儲巴指名具稟本大臣立予提案治罪決不寬貸切切特札計札察木多劉糧員准此宣統二年六月二十九日

計開一頭人管理地方往往苛索百姓以致民不聊生茲酌定頭人額數俾永遠遵行如察木多呼圖克圖及倉儲巴之外祇准設大頭人五名將地方分為五路中路東路南路北路每路只設大頭人一名均駐公所總管各路糧稅一切事宜一每路之中區分

為村總須足八十家為小村一百家以上為大村各村在本村中令百姓公舉一老成人為村長小村則合數村公舉一村長專管百姓上糧及催備烏拉遇有該村案件漢官即令該村長傳喚被告等事惟蠻地人民稀少有七八家十餘家或二三十家為一村者另舉一小村幫同村長辦事不給口食免其支差更換之後仍照章支差一大小頭人由百姓公舉定為三年一換如滿三年之後辦事公正百姓願請留者照准倘未滿三年辦事不公百姓不願者隨時更換一大頭人一名每月應給予口食或青稞二石或三石由眾公議稟案一小頭人一名每月應給予口食或青稞兩斗三斗由眾公議稟案一大小頭人口食青稞均由公所在收糧項下支給不准派百姓攤出一大小頭人既由公所給予口食不准向百姓需索銀錢牛羊酥油等物如敢不遵定予嚴辦一喇嘛頭人向有將青稞強放百姓每青稞四斗收利一斗且收利不收本百姓苦累難言應一併革除一借放青稞收利有數十年十餘年數年不等茲既將放利之事革除並明定章程如借放在五年以前者自本年起本利均不准收在三年以前者准於本年將本收回不准收利作為本利收清在二年以前者准收本年之利並將本收回此後如民間不借喇嘛頭人均不准強放青稞如有願借者放青稞一石每年祇准收利二斗如半年祇准收利一斗一呼圖克圖如轉世之後前輩家眷不得仍令百姓當差一倉儲巴及頭人等均以前充之人為定如更換之後仍是百姓有地畝者一併完糧有烏拉一同應雇不准再有頭人名目亦不准令百姓

當差一每年收糧須按地土肥磽為定分作三等上等地下種一斗者收糧一斗二分中等地收糧一斗下等地收糧八升永遠不准增減如遇水旱之年或減或免或酌量賑濟察看情形辦理一收糧之斗須與百姓所用之斗照官斗大小一律製定不准私用大斗違者治罪一百姓如有將地方出賣者由買主納糧一民間所養馬牛羊均一律收稅每家除牛十頭馬二匹羊十只均不納稅其此外有多養牛羊馬匹者每牛一頭年收稅銀一咀馬一匹收銀一咀羊十支收銀一咀一馬牛羊不及二歲者免稅一每所養馬一匹合牛一頭羊十支合牛一頭無論馬牛羊總共合計祇有牛十三頭者亦准免稅以恤貧民一每戶所養馬牛羊如有出賣倒斃者免稅一所有糧稅無論倉儲巴及頭人等均應一律上納一百姓納糧納稅之外一切銀差馬差牛差錢差酥油牛羊肉以及柴草等項概予裁免一百姓免差之後如有漢官弁兵過境所用騎駄烏拉每支按站給腳價銀一咀此係價雇不在支差之列該僧俗頭人百姓必須應雇不得貽誤公事若於應出烏拉之時遇有別項事故轉雇僧俗人等烏拉支差仍祇按站一咀不准違章多取一喇嘛頭人等如有應用騎駄烏拉亦必按站每站給銀一咀不准令百姓支差一喇嘛頭人所用柴草須照市價買用不准令百姓上納一喇嘛頭人如用百姓作工每日給工食銀一咀一現在設立漢官所有民間詞訟應由漢官判斷漢人不准投歸蠻官管理從前投者一併退出蠻民不准赴藏控案百姓如有願向倉儲巴控告者聽其便如倉儲巴判斷不公百姓仍願向漢

官控訴者倉儲巴及頭人均不得阻止惟漢官及倉儲巴均不准因控訴案件需索原被兩告銀錢分文如遇疑難重案准倉儲巴向漢官商同辦理一公所之內如倉儲巴頭人用有小娃子土兵等項無論多寡均由公所發給口食有事下鄉不准需索百姓銀錢貨物及供給等事倘敢不遵被人控告定予從重治罪一每年所收糧稅凡呼圖克圖並倉儲巴大小頭人等以及一切辦公之人均在此款項下開支不准另向百姓需索一凡有荒地無論漢蠻人等均准開墾耕種三年之後照章分上中下三等地按下種納糧一地方有冷暖不同青稞收割各有早晚百姓完糧暖處限定九月以內一律完全冷地限十月以內一律完全如在限內不准以收糧為名派人下鄉如逾限已久方准飭人各村催收惟於欠糧之戶供給糶糶不得格外需索其已完糧之人不准有絲毫供應其欠糧之人如已將糧備齊催收人立即起身回來銷差不准故意延宕逗留以為訛索之地如有以上情弊准百姓向漢官前控訴將該催收人傳案訊辦一無地方者不納糧無牛羊馬匹者不納稅一查雍正年間定有章程廟宇不准多設大廟喇嘛不得過三百人小廟不過數十人關外久未設官管理以致漫無限制廟宇增多喇嘛逾額此次定章之後其已出家者固不必強其還俗惟已逾額者不得再行添招必俟不足三百喇嘛之後方准招收徒弟小寺一律照辦如此則寺中人轉可富足矣一出家為僧必須本人情願以後不得見人家多子便勒令充當喇嘛如此則數十年之後察木多生齒日繁即可為富庶之地該廟宇資財亦愈形充足矣

謹將章程中有應參酌及應添入者繕俱清摺恭呈憲鑒
第二條一每路之中區分為村須足八十家者為小村一百家以上為大村各村在本村中令百姓公舉一老成人為村長小村則合數村公舉一村長專管百姓上糧及催備烏拉遇有該村案件漢官即令該村長傳喚被告等事謹按察木多所屬各村大都三二十家或七八家其能及百家者蓋鮮今既合數村舉一村長則地方之距離必不甚近遇有催備烏拉胥責成村長一人勢必至於遲延可否令村長傳其近者其餘則甲村轉告乙村乙村轉告丙村庶不廢時亦無擾累第八條一喇嘛頭人向有將青稞強放百姓每青稞四斗收利一斗且收利不收本百姓苦累難言應一律革除謹按察木多喇嘛頭人所放出青稞利與乍了相同應即照第九條定例辦理至強放及不收本之弊則尚無之第十條一倉儲巴及頭人等均均以現充之人為定如更換之後仍是百姓有地畝者一併上糧不准再有頭人名目亦不准令百姓當差謹按察木多頭人年滿尚不能役使百姓惟不當差耳茲應令其除完糧外並以烏拉應雇以上係參酌者三條一察臺百姓應出烏拉之時而其烏拉或有他項事故不能來則轉雇於各呼圖克圖及喇嘛寺院其價值每站每匹或一圓或半圓不等殊屬累民擬請改為代出烏拉者祇能得其應得之價此外不准需索分文一察臺向係百姓出烏拉而喇嘛寺院獨免應令一律應雇以免偏枯一寄居察臺之漢人向有投歸各呼圖克圖及牙宗麻家翁播家之說與入某國國籍相似殊屬荒唐應請未投者不准再投已投

者仍須退出一察臺漢人娶蠻妻及生子女其妻女皆須聽倉儲巴管轄無理已極應請革除一察臺爭訟有至藏中訴於噶夏及各寺院者傾家破產徒貽其累且名義亦不合擬請嚴禁以上係添入者五條宣統二年七月二十六日

糧務劉連瀾

批詳摺均悉所稱第二條舉村長一節以地方相離過遠恐有遲誤等情尚屬實在於小村之中飭本村公舉小村長一名遇有公事村長傳知小村長小村長傳知花戶惟小村長係每村就近之人又無奔走之勞不必給予口食現在乍了係定為准予暫免支差該員即可照此辦理第八條即照第九條辦理亦可第十一條應令其完糧外並以烏拉應雇等情查原文保正村長更換之後仍是百姓自應與眾人一律即充當頭人之時如有烏拉亦在應雇之列也又稱察臺百姓應出烏拉之時或有他項事故轉雇烏拉替差或每站一圓不等請改為代出烏拉者祇取應得之價等情此係為體恤百姓起見自應照准又稱察臺向係百姓出烏拉而喇嘛獨免應令一律應雇等情查定章第二十條如有漢官弁兵過境所用烏拉頭人百姓必須應雇等語即將頭人百姓之上添入僧俗二字凡有牛馬者必須應雇則包括無遺矣其餘察臺漢人投歸呼圖克圖及頭人漢人妻女聽倉儲巴管轄民間訴訟有赴藏訴訟請禁革等情查定章二十四條現在設立漢官所有民間詞訟應由漢官裁判無論漢蠻均由漢官管轄蠻官不得過問此後漢人自不投歸蠻官惟以前已投者應令退出為是至其

向藏中番官訴訟固屬至愚該番官不能裁判之故若以後漢官皆能秉公訊斷此風不禁自絕且察臺地方撥歸邊務大臣管轄由該糧員傳諭頭人轉諭百姓嗣後□赴藏投訴亦屬無效仰候飭將各條列入章程之內並另發給告示十張遵照張貼其以前發去告示章程應即繳回其各村如有續行查出應□應革之事即速稟報核奪飭遵繳摺存七月二十九日

稟察木多地方改派頭人村長據情轉稟懇示祇遵由

管理察木多糧務准補榮縣知縣劉廷瀾謹稟欽帥閣下敬稟者竊查糧員前奉憲臺札發改訂察木多收糧等事章程□將告示十張轉發去後茲據察木多代理倉儲巴嘉納克及僧俗人等稟稱竊屬下察木多前奉欽差大臣趙發給告示遵辦之下因將察木多所轄百姓均分五股內中路大頭人派彭楚頭柱大頭人之下派村長二名專管上糧烏拉等事一名阿修管理察木多本處一名私朗乍巴管理察木多四鄉東路大頭人派洛松大頭人之下派村長四名專管上糧烏拉等事一名阿棍管理雜思地方雜思百姓約一百家一名採仁奪結管理打子地方打子百姓約八十家一名翁修然登管理百茹地方百茹百姓約一百家一名阿拱夷喜管理駝恩地方駝恩百姓約七十家南路大頭人派蘇朗巴得大頭人之下派村長四名專管上糧烏拉等事一名鄧朱札喜管理包墩蒙堡地方包墩蒙堡百姓約一百家一名□呷洛加管理麻私地方麻私百姓約九十家一名洛松典比管理上擦哇地方上擦哇百姓約一百家一名採登桑柱管理下擦哇地方下

擦哇百姓約七十家西路大頭人派各波乍喜大頭人之下派村長五名專管上糧烏拉等事一名乍喜鄧周管理沃私地方沃私百姓約一百家一名腳腳管理納貢上下阿絨地方納貢上下阿絨百姓約七十家一名鄧朱翁甲管理邛波墨如地方邛波墨如百姓約一百家一名乍喜洛布管理家冉地方冉百姓約七十家一名宜瑪管理沃曲納孜一帶地方沃曲納孜一帶百姓約五十家北路大頭人派納拱大頭人之下派村長二員專管上糧烏拉等事一名噶馬委色管理雜宜阿攏一帶地方雜宜阿攏一帶百姓約一百家一名撒貢四朗宜馬管理沃宜地方沃宜百姓約八十家以上大小頭人均係公議派定大頭人每名每月支青稞三石小頭人每名每月支青稞三斗每人用小娃子一名月支青稞一斗概由公所支給屬下等前告示內三十三條之款仰體遵奉辦理外所呈各節乞恩轉欽差大臣趙均衡示遵等情據此可否如此派定之處糧員合據情轉稟懇請憲臺俯賜查核批示祇遵為此俱稟至稟者

宣統二年十月初三日

申賁各村保正村長花名年歲清冊由

察木多理事官准補榮縣知縣為申賁清冊事竊查察木多地方改土歸流委員前奉憲札應於五路地方各設保正一名每名月給薪水銀陸兩又每百家以上為大村八十家為小村各令百姓公舉一人充當村長每管一家年終由地方官給予藏圓一咀以資津貼等因奉此委員遵即按照章程諭百姓秉公選舉所有保正村長已由百姓舉齊委員逐一詳查均尚可靠若有漁肉百姓者委員自當認

真稟請懲辦決不敢稍涉迴護致取愆尤至於糧稅烏拉已飭各保正村長遵章催傳不許延宕所有各保正村長花名年歲理合造俱清冊申賁憲轅以備查核再保正薪水應自何日起支是否從臺費項下撥給村長口食本年年底可否發給全分均候示遵除申報收支局外為此俱文呈乞照申施行須至文者計申清冊一本

右申

欽差二品銜代理川滇邊務大臣補用道傅

宣統三年九月十七日

察木多 理事官准補榮縣知縣申造察木多各村保正

村長花名年歲籍貫清冊

察木多理事官准補榮縣知縣為申造清冊事今將本臺各村保正花名年歲造俱清冊呈請查核須至冊者計開一中路保正朗肱年四十歲察木多人此保正管本區及中路第一第二兩村一中路第一村村長乍喜羅布年五十六歲察木多人第一村長管一百一十六戶係包括偶宿格美俄洛曲瓦眾撒通納底撒通額怕思土白格薩共恩把俄洛河西夾嶺等小村為一村一中路第二村村長乍喜然登年四十二歲察木多人第二村村長管二百三十二戶係包括如錫恩達我土更馬河洞多如通么達若麻玉腳瓦魯壩呷若彭達蝦通桃登打蒲更地貢讓打哇也把等小村為一村一東路保正汪修然登年五十二歲察木多人此保正管該路第一二三四五六六村一東路第一村村長莫標呷日年三

十歲察木多人第一村長管一百七十一戶係包括阿奪熊昔未如熊泥又窩孔處奪怕熊麻奪雜堆格熱汪各棟納血採等小村為一村一東路第二村村長納籠採仁年四十五歲察木多人第二村村長管一百九十一戶係包括達東五達學達果戎呷如白日果拔哈札等小村為一村一東路第三村村長阿公意喜年五十六歲察木多人第三村長管一百六十七戶係包括妥怕哀蒲向勒浪把妥竹谷等小村為一村一東路第四村村長群比年三十五歲察木多人第四村村長管一百九十三戶係白如一村一東路第五村村長羅噶年三十五歲察木多人第五村長管一百一十六戶係包括額喜堆米包墩比壓等小村為一村一東路第六村村長貢薩羅松採仁年三十歲察木多人第六村長管一百另三戶係學達曉奪蒙堡牙於堆瑪□村為一村一南路保正羅松得青年四十五歲察木多人此保正管南路第一二三四四村一南路第一村村長新卡棵甲年二十七歲察木多人第一村長管一百二十一戶係包括熱底你玉窩約你葉博定等小村為一村一南路第二村村長瓦墨怕巴年五十二歲察木多人第二村長管一百六十七戶係包括若把娃墨若呷把巴凝拔格槓果打把仲希若巴博宜色喜第等小村為一村一南路第三村村長□澤年四十歲察木多人第三村長管三百二十一戶係上擦哇一村一南路第四村村長採登桑柱年五十歲察木多人第四村長管二百三十九戶係上下擦哇一村一西路保正瑣朗乍喜年五十三歲察木多人此保正管該路第一二三四四村一西路第一

村村長札喜頓珠年四十六歲察木多人第一村長管一百四十六戶係包括甲雄堆米浪蕩溝俄腮么堆米么敏俄腮么米安途仲思堆馬等一村為一村一西路第二村村長爵爵年四十九歲察木多人第二村長管一百四十八戶係包括納貢何戎何美哇戎把梭洛壩何堆如宗等小村為一村一西路第三村村長瑣朗把登年二十八歲察木多人第三村長管二百一十三戶係包括宜日奪玉娃何然波勒汝哇可學波卡娃納白映協桑等小村為一村一西路第四村村長札喜羅布年四十五歲察木多人第四村長管二百六十一戶係包括嘉拉曲齒牙增芯庫庫鱗鑊堆納紫等小村為一村一北路保正羅布採登年四十一歲察木多人此保正管該路第一二三四五六六村一北路第一村村長錫腔貢寶年三十八歲察木多人第一村長管一百五十二戶係包括多凹抹秋扎麟乃多貢委日若酥湯噶等小村為一村一北路第二村村長薩貢布喇嘛年四十歲察木多人第二村長管一百五十戶係包括彭達八俗白擢直擦牙旭俄美等小村為一村一北路第三村村長噶馬沃桑年四十歲察木多人第三村長管一百四十三戶係包括濁札墨瑪八打然格堆麻等小村為一村一北路第四村村長阿業噶松年五十九歲察木多人第四村長管一百五十九戶係包括甲戎鏡仁札牙與態泥認把哇等小村為一村一北路第五村村長麻溫札喜曲翁年二十六歲察木多人第五村長管一百一十五戶係包括補土啟旦納熱凝竹學怕等小村為一村一北路第六村村長桑多祿德年二十四歲察木多人第六

村長管一百一十二戶係包括宿錫阿宜兩村為一村宣統三年九月日委員劉廷灝

方位

本縣據北經十九度東緯三十三度踞寧靜山脈與他念他翁山脈之間中跨瀾滄江之上游其形勢南北長方全縣面積共七萬六千七百零零方里其疆域北至堆麻以小水溝以北屬隆慶以南屬昌都東至拖壩與同普縣界東南以窟窿山頂與察雅縣界南至察窪岡山頂與科麥縣界西至裏角塘與恩達縣界

治所

本縣據雜楮河鄂穆楚河二水合流之處中現平原一隅於雍正八年建土城一座內為糧臺遊擊及千把外委各衙門自設治以糧臺為縣署南門外為萬壽宮有觀音閣南北一街人民二百餘戶環城而居齊城以東為一平臺上為江巴林寺倚山而壘僧舍千餘有大殿三座高皆數層金瓦寶頂宏麗莊嚴寺前騎雜楮河一橋因通四川名四川橋城西鄂穆楚河一橋因通雲南名雲南橋城北為獅子山形勢扼要尚為川滇進藏之咽喉西南一重鎮也

鄉鎮

本縣初始分為五路民國元年改為五區全縣大小共一百五十五村計叁千九百六十七戶男八千三百一十三丁女一萬一千五百

二十一、喇嘛二、三百餘人漢人一百四十餘家

糧賦

本縣每年徵收雜糧一千九百石另四升合牛馬徵三二藏圓叁千一百一十二圓銅圓二十三枚

山川

本縣北部由類伍齊察達克拉嶺入境名唐克嶺東西環繞起伏不一南伸名俄拉山至縣治名獅子山此山南北橫梗為雜楮河鄂穆楚河一分水嶺也縣治東部北由鄧科縣之謨拉山西伸一支入境名衝穆拉山一土嶺也綿亘南行至財神山隆起峭壁層峰高入雲漢其極峰海拔七千餘尺終年積雪因多巖怪石名窟窿山南至江邊轉入察雅縣凡西下之水北部流入雜楮河南部流入瀾滄江其西部過江為他念他翁山脈名裏角山巍峨不群南伸名上察窪岡大雪山南入科麥縣以全境山水形勢三山二水一江中流為一谷地也

道路

本縣北路溯雜楮河東北行平路四十里麻柳坪北行徑甲若貢麥九十里至八峪宿平原七十里至俄壽宿由此分道北行一百二十里至隆慶由俄壽東北行路道起伏悉為遊牧之地七十里至昂謙牛廠宿四十里穀區容越一禿山不毛一百一十里至玉